

Textdossier (2)**15. CIL 6.45**

Apollini sancto
 Memmius Vitrasius
 Orfitus v(ir) c(larissimus)
 bis praef(ectus) urbi
 aedem providit
 curante Fl(avio) Claudio
 Euangelo v(iro) c(larissimo) comite

5

16. Aur. Vict. Caes. 40.28

... Statuae locis quam celeberrimis, quarum plures ex auro aut argenteae sunt; tum per Africam sacerdotium decretum Flaviae genti, Cirtaeque oppido, quod obsidione Alexandri conciderat, reposito exornatoque nomen Constantina inditum. ...

17. CIL 11.5265

Exemplum sacri rescripti:

Imperator Caesar Flavius Constantinus
 Maximus Germanicus Sarmaticus Gothicus Victor
 triumphator Augustus et Flavius Constantinus
 et Flavius Iulius Constantius et Flavius
 Constans:

5

omnia quidem, quae humani generis societatem tuentur, pervigilium curarum cogitatione conplectimur, sed provisionum nostrarum opus maximum

10

est, ut universae urbes, quas in luminibus provinciarum ac regionum omnium species et forma distinguit, non modo dignitatem pristinam teneant, sed etiam ad meliorem statum beneficentiae nostrae munere provehantur. cum igitur ita vos Tusciae adsereretis esse coniunctos, ut instituto consuetudinis priscae per singulas annorum vices atque praedictis sacerdotes creentur, qui aput Vulsinios Tusciae civitatem ludos

15

scaenicos et gladiatorum munus exhibeant, 20
 sed propter ardua montium et difficultates itinerum saltuosas inpendio posceretis, ut indulto remedio sacerdoti vestro ob editiones celebrandas Vulsinios pergere necesse non esset, scilicet ut civitati, cui nunc Hispellum nomen 25
 est quamque Flaminiae viae confinem *atque* continuam esse memoratis, de nostro cognomine nomen daremus, in qua templum Flaviae gentis opere magnifico nimirum pro amplitudine nuncupationis *exsurgeret* ibidemque *is* 30
 sacerdos, quem anniversaria vice Umbria dedisset, spectaculum tam *scaenicorum* ludorum quam gladiatorii muneris *exhiberet*, manente per *Tusciam* ea consuetudine, ut indidem creatus sacerdos *apud* Vulsinios, ut solebat 35
 editionum antedictarum spectacula frequentaret, *precationi ac* desiderio vestro facilis accessit noster adsensus. nam civitati Hispello aeternum vocabulum nomenque venerandum de nostra *nuncupatione* concessimus, scilicet ut in posterum praedicta urbs 40
 Flavia Constans vocetur, in cuius gremio aedem quoque Flaviae hoc est nostrae gentis, ut desideratis, magnifico opere *perfici* volumus ea observatione perscripta, ne aedis nostro nomini dedicata cuiusquam *contagiosae* superstitionis fraudibus polluatur. consequenter etiam editionum in praedicta civitate *exhibendarum* vobis 45
 licentiam dedimus, scilicet ut, sicuti dictum est, per vices temporis sollemnitatis editionum Vulsinios quoque non deserat, ubi *creatis* e Tuscia sacerdotibus memorata celebritas exhibenda est. ita quippe nec veteribus institutis plurimum videbitur 55
 derogatum et vos, qui ob praedictas causas

nobis supplices extitistis, ea, quae inpen-
dio postulastis, impetrata esse gaude-
bitis

18. CIL 11.5283

C(aio) Matrino Aurellio

C(ai) f(ilio) Antonino v(iro) p(erfectissimo)

coronato Tusc(iae) et Umb(riae)

pont(ifici) gentis Flaviae

abundantissimi muneris sed et

5

praecipuae laetitiae theatralis editori

aedili quaestori duumviro

iterum q(uin)q(uennali) i(ure) d(icundo) huius splend{id}issimae

coloniae curator i(r) p(ublicae) eiusdem

colon(iae) et primo principali ob meritum

10

benevolentiae eius erga se

[ple]bs omnis urbana Flaviae

Constantis patrono

dignissimo